

十七史纂古今通要

十



宋 下 南渡

宋高宗名構徽宗第九子母章太后以康王即位于南

京建炎元年庚寅朔也後南渡定都臨安府丁未建炎

三十一在位三十一歲 帝以大觀二年丁亥生于宮中紅

光滿室宣和二年封康王靖康元年十一月復使虜軍

行至磁州宗澤迎謁百姓遮道諫不可北去閏月至相

州除兵馬大元帥靖康二年即建炎元年二月次濟州甲戌

元祐皇后降手書來迎曰漢家之厄十世宜光武之中

興獻公之子九人惟重耳之尚在茲為天意夫豈人謀

時使臣曹勛自河北遁歸進徽宗御札曰便可即真來

救父母帝慟哭拜受於是即位太祖之生以丁亥帝之

生亦以丁亥太祖之即位於南京帝之即位亦於南京

天意有所歸矣即位之初二帝遠狩中原板蕩四郊多

壘疑若不可以有為矣然多難興邦殷憂啓聖亨屯飭

蠱正維其時夏少康周宣王漢光武可效可師唐肅宗

其次也晉元帝不足論矣况偽楚竄殛天下乃吾家之

天下有李綱可以為相有宗澤可以為將將相協和志

向一定帝則卧薪嘗膽務在克復神州迎還二聖以雪

不共戴天之讎必有以遂吾所大欲矣今觀首召李綱

為右僕射則相得其人矣命宗澤留守東京則將又得

其人矣乃先以汪伯彥同知樞密院黃潛善中書侍郎



澤二公志在恢復潛善伯彥志在退保既水火冰炭  
不同而帝則思慕父兄之念不能勝其畏懦偷安之心  
此所以汪黃讒間李綱之言易入沮撓宗澤之說易行  
也李綱為相朝綱兵防皆已振整方七十五日為汪黃  
所讒張浚所論而罷汪黃不足責矣魏公乃如是深可  
惜也李綱既罷汪黃決策奉上幸東南兩河州郡外無  
應援內絕糧儲建炎一二年間悉為虜所取徒使忠臣  
義士肝膽塗地猶幸宗澤留守東京澤綱所薦募義士城守  
造決勝車二千餘乘據形勢立二十四壘壁于城外駐  
兵數萬結連兩河山水寨及陝西義士表請上還京汪  
黃見表笑以為狂張殼獨曰如澤忠義若得數人天下

大甲六十八

定矣二人語塞粘罕欲併力圍汴知不可而遁後又犯  
東京澤即敗之時澤招撫河南羣盜又募義士合百餘  
萬糧支半歲請上還京前後二十餘疏又上疏欲合諸  
將兵渡河汪黃忌其成功沮之因憂憤成疾疽發背卒  
將沒無一言及家事但連呼過河者三都人皆慟哭朝  
野相吊出涕未數日將士去者十五命杜充代留守盡  
反澤所為豪傑皆不為用兵復散而為盜嗚呼綱罷而  
汪黃相於內澤死而杜充繼於外天下事去矣上在楊  
州粘罕長驅陷淮州郡淮所恃者韓世忠劉光世而兩  
軍皆潰上亟乘馬南巡汪黃方會食政事猶以為不足  
慮堂更呼曰駕行矣乃鞭馬與軍民爭門而出大理寺

黃德京口軍人以為潛善罵之曰誤國護民皆汝之  
罪錮方辨其非是而首已斷矣呂頤浩張浚聯馬追及  
上于瓜洲得小舟即乘以渡至鎮江時建炎三年正月  
也二月至杭州以州治為行宮息駕未幾而叛將之難  
遽作時汪黃已罷朱勝非右相呂頤浩制置江寧後改  
康苗傳劉正彥反逼上禪位皇子孟太后同聽政賴勝  
非與太后維持於內呂頤浩張浚劉光世韓世忠合兵  
於外上獲反正二兇伏誅亦云幸矣初王淵除密院不  
懌眾論劉正彥乘  
有敵難遂圖不軌苗傳以淵出其下尤不平上在揚州  
內侍康履又切弄威福諸將皆嫉之及至觀潮中官供  
帳赫然二兇遂脅所部反執淵殺之并殺內侍數十人  
殺康履勝非維持於內又遣所親見張浚等圖反正誅  
兇而金寇未歇也時勝非已罷呂頤浩右相張浚知院

上在建康命洪皓使金屈辱甚矣願用正朔去又命崔  
尊號比藩臣

縱使金請和又命杜時亮使金且致書粘罕曰以守則  
無人以奔則無地惟冀閣下見哀而赦已未幾金分兩  
道入寇此虜過江之寇也劉光世駐江州道杜充守建  
康降通判楊邦乂大罵兀朮以死上自明州航海賴張  
浚楊沂中破兀朮于明州兀朮再攻陷明州追襲上舟  
又賴張公祐擊之退以故上舟得達台州韓世忠焦山  
邀其歸路兀朮幾不得免獲其璫龍虎大王十二戰功  
自明州一捷始虜入中國以來無一人敢嬰其鋒者至  
此軍勢稍張矣時呂頤浩罷范宗尹相秦檜自虜來歸  
宗尹力薦其忠乃引對檜言如欲天下無事須是南自

南北自此始建講和遂以檜試禮部尚書比建炎  
之四年也明年紹興以檜為參政專與虜講解和議矣

檜依恃辣捷辣入寇以檜為參謀挈家渡小舟抵連水  
軍日言自殺監已者然全家同舟婢僕亦如故朝士多

之疑未幾宗尹罷檜與頤浩並相時上在越州檜講和之

議方堅而虜犯蜀之兵隨至儻非吳玠吳玠一以忠義

激厲將士敗之於和尚原紹興再敗之於仙人關四年則

全蜀亦不可得而守矣上自越州回臨安年秦檜建議

欲以河北人還金河南人還豫注見上曰南人歸南北

人歸北朕北人將安歸黃龜年劾檜專主和議沮恢復

檜罷相再相朱勝非召張浚劉子羽還朝時上和議之

心猶未甚決也偽齊乞師于金分道渡淮入寇初劉豫

建炎元年降金為之用建炎四年遂相趙鼎下詔親征如

平江淮東宣撫使韓世忠邀擊金人于大儀鎮大敗之

擒其將撻也又下詔罪狀劉豫趙鼎乞召張浚起浚知

院浚請遣岳飛入淮西以牽制賊兵之在淮東者浚視

師江上將士勇氣百倍浚部分諸將留鎮江節度之寇

為世忠所扼糧道不繼金主晟亦病篤遂宵遁上發平

江還臨安趙鼎張浚相于左右浚兼都督視師江上而

鼎居中總政表裏相應翕然有中興之望矣紹興於是

張浚復視師江上會諸將命韓世忠自楚州圍淮陽劉

光世屯廬州招北軍張俊進屯盱眙揚沂中為後翼岳

飛進屯襄陽以窺中原國威大震浚力請上臨建康

中

圖恢復會謀報劉豫有南窺意鼎建議幸平江遂發臨

安偽幣發鄉兵三十萬分三道入寇時劉光世在廬州

密干趙鼎欲還太平衆情恟躍光世竟自廬州退師浚

下令一人渡江即斬以徇光世遂還與沂中相為聲援

光世敗劉麟于安豐沂中大敗猗于藕塘麟聞亦潰後自

虜廢劉豫北方大恐時上猶在平江浚奏欲乘勝取河南擒

劉豫父子而鼎議不合浚不悅鼎復言宜且自守未可

以進鼎遂罷相明年秦檜以醴泉觀使復以樞密起

而岳飛湖北京西宣撫飛拔起列將世忠俊不平及破

楊公初五年六月洞庭賊楊欽將三千人詣飛降遂急

寇悉俊益忌之劉光世罷上如建康岳飛入見因彘從

疏論恢復毅然以直趨京洛復舊疆為己任御筆優答

許以不從中制飛方率厲合師大舉而秦檜已復入主

和議沮之而事遂寢矣此為何時張浚又以事立於永

退遂罷相而以趙鼎為薦初浚用召社領淮西軍社奏

齊因瓊變求鼎拜左相與檜協議回蹕臨安李綱聞之

力諫不聽時起李綱宣撫湖南浚去綱釋憾薦之也綱

一叛將遷自退屈六飛忤執政意遂罷自是綱亦不復

出浚去規模一變中原之望始絕矣時撻辣與王倫歸

許還梓宮太后俞妃高并河南地上大喜趙鼎主還蹕

臨安之議上既還臨安為定都之計鼎薦秦檜再相王

倫與金使來檜力勸上亟已請和鼎維持不可晚矣鼎

倫與金使來檜力勸上亟已請和鼎維持不可晚矣鼎

遂龍相而檜專權用事時非和議者並罷胡銓上封事  
謂王倫誘至北使以詔諭江南為名是欲臣妾我也  
是欲劉豫我也陛下屈膝則祖宗祗席之堂盡汚夷狄  
祖宗數百年之赤子盡為左袵朝廷宰職盡為陪臣天  
下士大夫皆當裂冠毀冕變為胡服比膝一屈不可復  
伸願斬王倫秦檜孫近近參政亦王和議三人頭竿之藁街然  
後羈留虜使責以無禮徐興問罪之師不然臣有赴東  
海而死耳寧能處小朝廷求活邪遂竄胡銓八至此和  
議宜可恃矣曾不一二年虜又分四道入寇五胘蓋以  
其初捷辣既廢劉豫乃以河南歸我及捷辣誅兀木以  
歸地非其本意故決意欲敗盟也遂命聶黎字董出山

甲、五十五

宋史下

六

子

東撒離曷寇陝右李成寇河南而兀木自將精兵十餘  
萬犯東京封豕長蛇亦可慮矣而我師之捷李寶敗之  
于興仁姚仲敗之于鳳翔于涇州牛皋捷于京西孫顯  
捷于陳蔡間曹成捷于天興縣王勝成閔捷于淮陽揚  
從又捷于寶雞縣岳飛捷于偃城縣王貴姚政捷于潁  
昌府王俊捷于東洛谷于長安城下邵陵王喜捷于汧  
陽縣吳璘捷于陝西韓世忠捷于淮陽之泃口最是劉  
錡順昌一捷以五千可戰之卒破其精兵十萬之衆至  
使兀木敗逃不敢復出國之威靈已非復前日之比矣  
岳飛復進兵又敗兀木于王屋縣至朱仙鎮距汴京僅  
四十里方欲乘勝搗虛而班師之詔已下飛怒赴



行將沂中還鎮江光世還池州錡還太平諸將於是  
敢復動矣洪皓時在燕山密奏順昌之役北方震恐燕  
珍寶悉取而北欲捐燕以南奔之王師亟還自失機會  
可惜也於是除出忠俊權使罷宣撫司以兵隸密院時  
俊阿檜意首納所統兵俊深忌錡飛飛數非和議檜惡  
之俊讒捕飛檜令方侯嵩羅汝楸論飛罪罷副樞兀木  
縱莫將歸以書求和遣劉光遠使金吳璘復秦隴詔班  
師何鑄使金議割唐鄧州以淮水為界兀木與檜書爾  
朝夕講和而岳飛方為河北圖必殺飛而後可和檜遂  
與俊謀俊誣飛罪下棘寺賜死金人聞其死酌酒相慶  
嗚呼檜俊之罪可勝誅哉右十年明年皇太后韋氏至自

高宗所徽宗鄭太后梓宮並至割商秦州之半和尚

方山原與金人以大散關為界秦檜加太師自此檜以  
講和為大功而文飾太平之事紛紛矣右十年建國子監

太學建太社太稷築園丘班鄉飲酒儀刊御書石經建  
祕書省復三館年十三幸太學年十四行大朝會禮幸檜

弟御書一德格天之閣賜之年十五親耕籍田作景鍾不

一而足時張浚因星變言今事勢如養大疽頭目心膈  
之間決遲禍大而難測決疾禍輕而易治日復一日以

國與敵噬臍無及失矣檜日與彌文大怒自連州再貶  
永州而趙鼎亦不食而卒檜令吉陽軍中檜秉政十  
八年富貴已極下趙汾棘寺令自誣與張浚李光胡

等謀大逆一時賢士檜所惡者五十三人皆與獄成檜  
疾不能書矣尋死二年檜既死沈該方侯寓左右相張  
浚判洪州奏金必求釁敗盟吾方溺宴安蕩然莫之備  
二人為相不厭天下望再貶永州六年未幾金主亮入  
寇陳俊卿俱屢薦張浚起浚判建康命知院葉義問視  
師江淮虞允文人參謀亮以重兵壓江督諸將采石渡  
舟時劉錡王權皆已遁還朝命以成閔代錡李顯忠代  
權未至也允文召權將時俊等以義動之督之戰亮築  
高臺麾軍渡江達南岸已七十餘舟倂斬略盡中流卒  
眾舟小我以蒙衝突擊舟破溺死數萬江水為丹餘舟  
遁去明日復來以海鯨逆擊大破之亮遁入揚州允文

小一冊五

宋史下

八

以京口無備調舟師至京口謁劉錡錡曰朝廷養兵已  
三十年今日大功乃出於一儒者我輩愧死矣大閱舟  
師三周金山北兵望之奪氣亮督諸將五日必絕江違  
者先斬金人夜效南軍劫寨射殺亮於龜山寺而遁上  
還自建康內禪太子退居德壽宮按建儲之議雖出於  
范宗尹之造膝岳飛之密疏張浚之建請趙鼎之贊決  
然以藝祖之後為嗣則出於帝心之獨斷而助以選人  
婁寅亮之一言藝祖在天之靈可以慰矣明中講義初  
亮寓居村落中上書云太祖受命而子孫有類庶幾宜  
於太祖祖下僕人養宮中他日皇子生只餘一節度使  
耳上喜除寅亮監察御史遂擇太祖下宗室  
得子備之子伯琮年六歲自秀州取育宮中  
之舉曾無係戀所以為中興治國平天下之根本者不

在是歟又按宋之一代武功不競自國初至于慶曆又自慶曆至于熙豐宣靖始終不競於敵而已矣建紹百戰而名將出焉武功之競莫盛於劉錡韓世忠岳飛吳玠爭奮之時善乘之豈但舊疆可復而已賊檜竟以和之一字沮敗之可勝惜哉孝宗名脊太祖 世孫秀安

僖王子侑之子也高宗立為太子即位之初降興二乾道九淳熙

十八年壽八十八張浚入對除江淮宣撫使上手書召浚

既見曰久聞公名今朝廷所恃惟公浚言人主以務學為先人主之學以一心為本一心合天何事不濟所謂天者天下之公理而已且浚見上英武力陳和議之非於是加浚少傅浚薦陳俊卿為判官復往江上史浩時

參大政議欲城瓜州采石浚謂不守淮而守江是示虜

以削弱之形不若先城泗州浚每機畫浩必沮撓明年

以浩為右相張浚為樞使仍都督江淮兵時虜將蒲察

徒穆屯虹縣蕭琦屯靈壁浚謂必為邊患當及時掃蕩

浚既入奏不詔親征命浚兼都督荆襄浚命李顯忠趨

靈壁邵宏淵趨虹縣顯忠敗其都統蕭琦宏淵降其蒲

察徒穆乘勝進兵前克宿州適二將不相能師潰于宿

之符離浚時在盱眙乃還淮陽上疏待罪上遂下罪己

之詔浚貶官改宣撫使留維揚大飭兩淮守備夫以出

師之舉史浩才不與謀上為之罷浩相二將既潰又召

拭謂之曰朕待魏公有加不為浮議所惑上對羣臣朱

晉名臣獨曰魏公既可以見公得君之專又可以見帝  
委公之篤矣未幾湯思退相金帥移書議和求唐鄧海  
泗四州及秦商執政急於求和遂遣盧仲賢持書報虜  
浚言仲賢不可信已而仲賢果以四州辱命上怒下大  
理寺忠退等懼乃大倡和議遣王之望龍大淵為通命  
使副而召浚至行在浚復上疏爭之曰今議者欺陛下  
以歎師之名而共為和之之實力陳和議之失上為止  
誓書留使人而令胡昉探虜以四州不可割尋以浚為  
右相仍都督府虜挾胡昉等上聞之諭浚曰和議之不  
成天也自此事歸一矣觀此則知帝復讎之志何其決  
也已上皆隆興元年明年三月浚復如淮視師始議以四月幸

宋史下

建康思退初不預聞乃密謀為陷浚計使虜屯重兵十  
萬為虛聲脅和聞浚來檄宿州之兵歸南京命錢端禮  
王之望宣撫兩淮召浚罷都督尹穡論浚跋扈湯思退  
又令王之望盛毀守備不可恃浚亦請解督府言者詆  
浚不已浚留平江乞致仕矣呂氏曰浚受任督府招徠  
山東淮北忠義之士凡萬二千餘人招淮南壯士及江  
西群盜又萬餘人將士聞之而奮虜酋聞之而遁是自  
符離既潰之後其規模又如此也然浚之規模始沮於  
秦檜再沮於史浩三沮於湯思退之徒至是陳康伯亦  
主和議而始決浚遂罷判福州魏杞使金割四州浚憂  
謂杞曰吾不能復中原不當葬先人墓側葬衡山

后最賢傳授最明至靈宗之末楊后彌遠之惡濟邨

死理宗之立而後所謂家法之正后德之賢傳授之明

遂掃地矣猶撐拄五十年而後亡不可謂非幸也此朝並係

增廣理宗名昀初名貴誠後改名昀即位臨御四十一年甲申即位乙酉

玉慶三年紹定六年端平三年嘉熙四年淳祐十一年景定五年壽六十一表章

理學使濂洛紫陽之道大明於天下傳之後世廟號曰

理固其宜也然國勢積弱之餘或者謂諸儒理學竟莫

能以扶顛持危不一再傳而遂亡嗟夫周公沒聖賢之

道不行孟軻死聖賢之道不明孔孟能使道之明猶不

能必道之行也况周程之在熙寧元祐朱文公之在乾

淳慶元以至真文忠之在端平未嘗略得君而行政也

通甫

通甫

小人盡接迹而久於柄用諸儒或早謝而終以阨窮烏

可以道之不行國之不競者責之哉理宗崩增廣度宗

立乾成十權奸柄國窮饕極惡迄于幼主德祐之元年

天命有歸

大元聖世成混一之功矣

金

金國本號女真其地在契丹東北混同江之東長白山下地方千餘里南鄰高麗北接室常西界渤海鐵離東瀕海部族散居山谷間契丹乘唐衰併諸蕃國三十有六女真預焉臣屬契丹者百有餘年自推豪傑為酋長受宣命襲節度使呼太師或云酋長號完顏完顏猶漢言王也後以為氏其部族至楊割太師始稱雄楊割有三子長阿骨打次吳乞買又次思改即粘罕父也楊割事契丹初未有

釁海之東產名鷹曰海東青小而俊健能擒鵝鷺遼人酷愛歲求之女真女真苦之又沿邊諸帥邀求賂遺不已遂益怨嫉會契丹國舅蕭解里聚眾為盜潛奔女真契丹命楊割圖之楊割獨斬解里餘悉留不遣以此疑楊割楊割始陰懷異志力農積粟練兵牧馬多市金玉以賂契丹權貴如此十餘年楊割死阿骨打立十七年始建國號大金滅遼侵宋在位二十六年而殂號太祖武元皇帝其弟吳乞買繼立平宋河南在位十二年號太宗文烈皇帝太宗殂太祖孫亶立為海陵王

所弒在位十四年號熙宗孝成皇帝興宗殂  
太祖孫亮立徙都燕又徙都汴意圖江南為  
部衆所殺在位十二年號海陵煬王煬王殂  
太祖孫襲立都燕在位二十九年號世宗聖  
明皇帝世宗殂太孫璟立在位十九年號章  
宗皇帝章宗殂世宗子允濟立在位四年紇  
石烈執中弒之號東海郡侯東海殂章宗庶  
兄珣立又徙都汴在位十一年號宣宗皇帝  
宣宗殂子守緒立在位九年自汴遷蔡南北  
會兵夾攻國亡號義宗皇帝共九帝有國一  
百二十年

太祖是元名阿骨打見遼主天祚荒淫其相蕭奉先等  
實焚庸瑣又席其國富庶之餘兵強馬壯始起併吞之  
志用粘罕等為謀主首犯混同江陷遼之寧江州天祚  
遣海州刺史高仙壽討之為所敗再遣蕭嗣先帥奚契  
丹五千討之又為所敗乃召宰相張琳將兵十萬出戰  
又大敗於是天祚親征率蕃漢兵十餘萬以精兵二萬  
為先鋒車騎亘百餘里期以必滅女真女真乘其未陣  
三而擊之天祚又大敗女真乘勝遂并遼陽五十四州  
明年陷渤海軍又明年稱帝建元天輔時宋重和元年  
遼天慶七年也自是二年陷上京五年陷中京遼主僅  
以身免竄歸于陰夾山六年阿骨打殂太宗晟元

乞置後先天會初遼主寶嶽炎山國兵不能入至是聞  
粘罕已回雲中越漁陽嶺而南奔宋金人執之以歸封  
海濱王先是天輔元年宋遣馬政由海道來約夾攻契  
丹阿骨打語之曰跨海求好非吾家事吾已獲大遼數  
路其他可以俯拾汝歸見皇帝果欲結好請早示國書  
趙良嗣再使約金取中京宋取燕京歲幣初許三十萬  
而卒與契丹舊數其攻燕也金師圍之宋師僅至盧溝  
河而潰阿骨打謂馬攬曰契丹疆土我得十九矣止燕  
京數州之地留與汝家我以大軍三面掩之今汝家亦  
不能取一夜燒營而遁乃至此耶自此遂有輕宋之心  
於是韓離不粘罕分道侵宋韓離不破檀薊陷濬州直

天四

抵京 曰南朝若以二千人守河我豈得渡哉粘罕取  
朔武忻代陷隆德攻太原逾南北關亦曰關險如此而  
使我過之南朝可謂無人矣其初入汴議割太原真定  
中山三鎮而歸明年再入汴四十日城陷懼無與守則  
立張邦昌僭號稱帝國號楚宋高宗即位南京誅邦昌  
粘罕兀朮又相繼侵淮南高宗倉皇南渡兀朮又率衆  
渡江分路並進一自滁和取江東一自蘄黃取江西降  
建康下杭越如入無人之境既而得韓世忠邀兀朮歸  
路幾於隻輪不返自是喪氣又吳玠兄弟在蜀岳飛在  
襄陽終不可以得志遂棄河南陝西立劉豫為帝國號  
齊姑假手以為南方屏蔽而已諸大臣嘗會於黑龍江



之柳林陳玉悟室懼宋氏復仇韓世忠岳飛諸將皆習  
於兵事既未可以威取而又勢難先屈欲誘以從無可  
使者粘罕曰只有一秦檜可用間語以利害終守南自  
南北自北之說且謂許其着手時只依此規模分別若  
縱其歸必能得志故資以金寶使全家由海道以歸順  
昌之戰劉錡欲徑進則止之商鞅之戰岳飛欲徑進則  
又沮之終於殺岳飛貶趙鼎廢世忠張浚而後南北之  
勢遂分矣粘罕於誓書中必令不易首相其情亦可見  
也熙宗曾親儒尚文頗厭舊俗當時勳舊粘罕兀室窩  
里嗚撻懶宗盤數人而已兀木窩里嗚於太宗晚年幸  
穎南信之謀兵柄未釋若粘罕兀室雖首除相位實奪

之權上餘多所踈擯劉豫之帝齊粘罕主之河南割地

歸宋撻懶宗盤主之所主者既不用事齊國之廢宋地  
之皆盟固其宜也其後左右諂後宮盛色國勢差亦

不競云海陵煬王亮既弒其君熙宗平日嗜殺晚年

免相與約以伺其間是夜亮入又弒其母京上廣築汴

伐群臣諫不聽其母后方病聞之因問曰今聞廣築汴

京簽民造船糗糧制軍器果有之乎上曰有之母曰

吾無他疾以皇帝用兵不止遠征江南是吾病也若行  
此事民必離亂之端也歷代無道之主皆亡國敗家  
若果有此行其能免乎上大怒曰朕母乃梁宋國王  
引妻也遂使護軍將軍赤蓋彥忠即宮中弒之以威言  
者於是左右縮罪不容誅矣初上都僻陋謀遷于燕  
既而銳意南征又謀遷汴二都營繕奢麗工役煩重加  
以兵興科調嚴峻民力重困內外騷然南征之役出於

是國人皆不欲也是行兵號百萬旣帳相望鉅鼓  
繼南方大震至采石上壘衆渡江宋遣虞允文李顯忠  
等用海鯁船迎擊士殊死戰我舟沉溺萬數軍回上岸  
者上皆殺之召諸將約三日畢濟過期盡殺諸將懼擁  
兵直入上寢帳矢下如雨上遂殂世宗薨初為東京留  
守以賢厚為部衆所推戴遂都燕立其子允升為皇太  
子允升每勸上南伐混一天下與允猷競言兵事次子  
允植封秦王獨勸帝以與民結好為務世宗喜曰爾見  
與我合由是文士多附之間為帝言秦王必能任社稷  
妃趙氏降千牛衛將軍楷之有殊色與張昭儀宋婕  
妤等論叙姻婭皆南官子孫内外交贊東宮官屬咸謂

十五

全

聖

允升曰 上寵待秦王過於殿下天下皆知有奪嫡之謫  
殿下獨不為計乎由是允升始疑懼完顏偉言於上曰  
國家起自深北皆以勇力戰爭故能滅遼滅宋諸蕃畏  
懼近歲多用遠宋遺臣以富貴文字壞我土俗先臣在  
順昌為劉錡所敗便嘆用兵不如天會時今遺宋之主  
大是有志恢復韃與蒙人近歲不受調役夏人亦屢爭  
麟府陛下謂戰鬪之臣不足與語不知三邊有急把作  
詩詞文字人去當得否自是文武分黨矣十九年秦王  
允植與宮僚宴於南涼觀三鼓方散秦王就寢及晨秦  
王已殞曾口皆傷事聞詔捕賊甚急踰月獲盜官錢者  
聞其篋有金五百兩皆皇太子所賜鞠問方知殺秦王

者實升獻使之也於是誅升猷而立秦王子為嗣鄭王

允蹈性亦寬厚世宗每稱其有局量諸武將謂其有外

家風允蹈母趙氏天水哀王不即欽宗也不甚附之允蹈三子長曰

大辯嘗說其父曰太孫既立大人麴嫌疑之地宜思避

禍不若乞外鎮父不從元悼太妃與允蹈母為姊妹亦

相慈愛大辯之生也母夢一人乘馬持刀稱南紹興王

遣來允鍾愛稱愛王會蒙人屢寇邊大臣議遣親王鎮

撫愛王請行至鎮大得諸夷之心章宗璟尊禮大臣諸

父親近儒學中外欣然及山陵事畢縱酒耽樂完顏侍

諫不聽輒謂人曰皇太孫非社稷主上怒除名為民完

顏高等密謀立鄭王允蹈事覺誅之遣內侍王康居住

三國城召愛王既又起河東兵十五萬上京兵五萬命

東安王瑜等討之書記劉士偕說愛王曰主上以君討

臣今茲之來頭勢甚盛萬一戰而不捷後將誰繼不若

求援比國為計之得愛王然之遣何大雅往聘且以其

子雄為質約破國之後軍儲金玉惟所取比國許之及

愛王兵屢敗勢急自往乞師至天平漢而北軍至愛王

喜與韃靼大人骨婁斯稽首相見奉獻金寶十車骨婁

斯曰大王無慮待即與破韃人禿休奮火鍋以入國兵

大敗乘勝襲逐至龍東津上聞頗憂宸妃執盃酒歌解

愁曲勸上上復縱酒自是軍中奏報皆令宸妃裁決

見有急多屏不奏邊兵屢敗愛王據和龍以北凡

國

於興之地皆失之十三年正月遣盧世奕使北國其大  
人骨婁斯搖首曰我與愛王有深約不可負世奕等不  
得要約以歸九月北兵大舉長驅而入陷天都城圍和  
龍國兵皆潰城中極力固守攻之陷大城余崇義乃議  
遣閭丘好古載金帛美女自山後出居磴嶺逾大漠涉  
東韓曰龍城使蒙國蒙人喜甚為起兵攻韃北部敗其  
衆於骨丘崇義驛叛出師襲逐至容城為北軍所敗大  
興以北千里蕭條民不聊生矣五月大宴於西涼觀部  
王資泣曰天時人事不順如此國兵屢敗邊地蕭條兩  
河盜起北軍雖退差涼復來豈是樂飲時耶上怒曰我  
常畏與公等相見偏說撓人心懷事資遂退自是多不

甲子六十七

八十三

七

視朝朝夕與宸妃及諸內侍窮晝夜飲又詔大興河南  
擇民女年十二三以上有姿色黠慧者各三百人入禁  
中教為酒令及效市肆歌勸大興尹完顏天穆奏稱天  
早正屬祈禱索女恐招怨詈且非脩德敬天之事亦罷  
中外無復敢言矣東海郡侯兄濟世宗第七子章宗殂  
無子內侍傳遺詔上之即位於天興殿詔畧曰飭身以  
儉則民以安此下以誠則人自感聲色盡感自古所戒  
宴安耽毒於今未忘朕當痛誓於深衷祈哀于天下復  
遣手書諭愛王曰以恭和情忌兄弟失歡骨肉至親化  
為仇怨引誘外寇傾危本家計王之心亦復何忍往事  
已矣今宜改圖又曰王是朕之姪朕是王之叔叔



圖書在版編目(CIP)數據

十七史纂古今通要/[元]胡一桂撰. —北京:北京圖書館出版社,2003.6

(中華再造善本)

ISBN 7-5013-2056-X

I.十… II.胡… III.史評—中國—三皇五帝時代~五代十國時期 IV.K220.7

中國版本圖書館CIP數據核字(2003)第027656號

ISBN 7-5013-2056-X



9 787501 320561 >

書名 十七史纂古今通要(全十冊)  
著者 [元]胡一桂 撰

出版 北京圖書館出版社(100034 北京市西城區文津街七號)  
發行 Tel:(010)66151313 Fax:(010)66174391

E-mail: Bstxb@publicf.nlc.gov.cn

Website: www.nlcpress.com

印刷 金壇市古籍印刷廠

開本 八

印張 一〇〇·七五

版次 二〇〇三年六月第一版第一次印刷

印數 一·五〇〇

書號 ISBN 7-5013-2056-X / K·517  
定價 二四·一〇圓

